



Ambasada Bosne i Hercegovine
Амбасада Босне и Херцеговине
Veleslanstvo Bosne i Hercegovine
Embassy of Bosnia and Herzegovina
S t o c k h o l m

PREDMET: Obavještenje o uspostavi Komisije za saradnju sa iseljeništvom

Poštovani,

Obavještavamo Vas da je Predstavnički dom Parlamentarne skupštine BiH uspostavio Komisiju za saradnju sa iseljeništvom kao stalnu komisiju Predstavničkog doma, te da je u utorak, 9. 6. 2026, konstituirana navedena komisija. U mandatu 2022–2026. članovi Komisije za saradnju sa iseljeništvom su:

- Denis Zvizdić, predsjedavajući Komisije,
- Marinko Čavara, prvi zamjenik predsjedavajućeg,
- Darko Babalj, drugi zamjenik predsjedavajućeg, te
- Sabina Ćudić,
- Edin Ramić,
- Milan Petković,
- Vlatko Glavaš,
- Albin Muslić i
- Elvisa Hodžić.

U skladu s članom 49b) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24, 56/25, 7/26 i 37/26), Komisija za saradnju sa iseljeništvom razmatra pitanja koja se odnose na:

- **a)** predlaganje mjera za unapređivanje saradnje institucija Bosne i Hercegovine sa iseljeništvom i razvijanje međuinstitucionalne koordinacije za saradnju sa iseljeništvom;
- **b)** davanje mišljenja o svim pitanjima iz oblasti saradnje sa iseljeništvom koje razmatra Dom;
- **c)** ostvarivanje i održavanje redovnih kontakata sa svim državnim organima Bosne i Hercegovine te organima na nižim nivoima vlasti koji se bave pitanjem saradnje sa iseljeništvom;
- **d)** ostvarivanje i održavanje redovnih kontakata sa svim nevladinim i drugim organizacijama koje se bave položajem iseljenika iz Bosne i Hercegovine u inozemstvu;
- **e)** saradnju s Ministarstvom za ljudska prava i izbjeglice Bosne i Hercegovine i Ministarstvom vanjskih poslova Bosne i Hercegovine prilikom izrade strateških i drugih akata koji se odnose na položaj iseljenika;
- **f)** održavanje redovnih sastanaka, konferencija, okruglih stolova i drugih događaja na kojima će se razmatrati položaj iseljenika i predlagati mjere za unapređenje položaja;
- **g)** redovan obilazak zajednica iseljenika iz Bosne i Hercegovine u inozemstvu i praćenje njihovog statusa u zemljama prijema;
- **h)** stvaranje uslova za povratak iseljenika u Bosnu i Hercegovinu radi njihovog uključivanja u politički, ekonomski i kulturni život Bosne i Hercegovine;
- **i)** stvaranje uslova za aktivnije učešće iseljenika u razvoju investicija i projekata u funkciji razvoja Bosne i Hercegovine;
- **j)** ostvarivanje saradnje sa sličnim komisijama i parlamentarnim tijelima u zemljama prijema gdje žive iseljenici iz Bosne i Hercegovine s ciljem unapređenja njihovog statusa u tim zemljama;

- **k)** vršenje parlamentarnog nadzora nad svim organima i institucijama koji se bave pitanjem iseljništva.

(2) Komisija razmatra i druga pitanja iz oblasti saradnje sa iseljništvom.

Pozivamo i ohrabrujemo udruženja i organizacije iseljenika iz Bosne i Hercegovine, ali i pojedince, da se sa svim inicijativama i prijedlozima aktivnosti obrate Komisiji za saradnju sa iseljništvom putem e-mail adrese: **komisijazaiseljenistvo@parlament.ba**.

Ljubazno molimo Ministarstvo vanjskih poslova Bosne i Hercegovine da ovo obavještenje dostavi svim ambasadama Bosne i Hercegovine te udruženjima/organizacijama iseljenika iz Bosne i Hercegovine.